

Na osnovu čl. 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 – Novi prečišćeni tekst i 37/14 Ispravka) i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 9. Zakona o Kantonalnoj agenciji za privatizaciju («Službene novine Kantona Sarajevo», br. 6/97, 7/00 i 19/11), Vlada Kantona Sarajevo

PONIŠTAVA JAVNI OGLAS

za imenovanje predsjednika i članova Upravnog odbora Kantonalne agencije za privatizaciju Sarajevo objavljen u Službenim novinama Federacije BiH broj 24/17 od 31.03.2017. godine i dnevnom listu "Oslobođenje" od 30.03.2017. godine, te ponovo objavljuje

JAVNI OGLAS ZA IMENOVANJE PREDSJEDNIKA I ČLANOVA UPRAVNOG ODBORA KANTONALNE AGENCIJE ZA PRIVATIZACIJU SARAJEVO

I. Predmet javnog oglasa

Objavljuje se javni oglas za imenovanje predsjednika i članova Upravnog odbora Kantonalne agencije za privatizaciju Sarajevo (predsjednik i četiri člana).

Izbor i imenovanje predsjednika i članova Upravnog odbora izvršiće Skupština Kantona Sarajevo, na prijedlog Vlade Kantona Sarajevo.

II. Opis pozicije

Upravni odbor upravlja Agencijom, donosi Statut i druge opće akte, donosi Poslovnik o radu, donosi Pravilnik o unutrašnjoj organizaciji Agencije, donosi finansijski plan i program rada Agencije, donosi završni račun i izvještaj o radu Agencije, osniva komisije i radna tijela i vrši druge poslove u skladu sa zakonom.

III. Mandat

Predsjednik i članovi Upravnog odbora imenuju se na period od dvije godine.

Konačno imenovana lica ostvarit će pravo na naknadu za svoj rad u Upravnom odboru.

IV. Uslovi za pozicije

Svi kandidati moraju ispunjavati opće i posebne uslove.

Opći uslovi:

- a) da je državljanin Bosne i Hercegovine (dokaz: uvjerenje o državljanstvu),
- b) da je stariji od 18 godina (dokaz: izvod iz matične knjige rođenih ili kopija CIPS-ove lične karte),
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa),
- d) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- e) da nije osuđivan za krivično djelo (dokaz: uvjerenje nadležnog MUP-a),
- f) da nije osuđivan za privredni prijestup nespojiv sa dužnošću u upravnom odboru (dokaz: uvjerenje nadležnog suda),
- g) da se protiv njega ne vodi krivični postupak (dokaz: uvjerenje nadležnog suda),
- h) da nije stariji od 65 godina na dan imenovanja,
- i) da nije izabrani zvaničnik, nosilac izvršnih funkcija ili savjetnik u smislu Zakona o

sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa).

Posebni uslovi:

- a) da ima univerzitetsku diplomu ili akademske kvalifikacije najmanje VII stepena stručne sprema, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: original ili ovjerena kopija diplome),
- b) da ima najmanje pet godina radnog staža u struci,
- c) da poznaje propise iz oblasti privatizacije,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da posjeduje sposobnost upravljanja finansijskim resursima,
- g) da nema privatni finansijski interes u Kantonalnoj agenciji za privatizaciju Sarajevo,
- h) da posjeduje komunikacijske i organizacijske sposobnosti i da je naklonjen timskom radu,
- i) da ima pozitivne rezultate rada ostvarene tokom karijere (dokaz: potvrda, uvjerenje ili preporuka poslodavca),
- j) da nije član upravnog ili nadzornog odbora u drugom organu ili instituciji.

Prilikom izbora vodiće se računa o spolnoj i nacionalnoj zastupljenosti kandidata.

V. Potrebni dokumenti

Kandidati su dužni uz prijavu koja sadrži biografiju, adresu i kontakt telefon, priložiti originalne dokumente ili ovjerene kopije dokumenata (ne stariji od šest mjeseci), koji su dokaz o ispunjavanju općih i posebnih uslova traženih oglasom, u roku od 15 dana od dana posljednjeg objavljivanja. Oglas će biti objavljen u "Službenim novinama Federacije BiH" i dnevnom listu "Oslobođenje". Za kandidate sa liste užeg izbora najboljih kandidata koji ispunjavaju kriterije za imenovanje, uvjerenje da kandidat nije osuđivan za krivično djelo, pribaviće se po službenoj dužnosti.

Za kandidate koji budu predloženi za imenovanje sa rang liste sa najboljim kandidatima i koji ispunjavaju kriterije za imenovanje iz javnog oglasa, uvjerenja iz općih uslova tačke e), f) i g) tražit će se službenim putem od nadležnih organa.

VI. Ostale napomene

Svi kandidati koji budu stavljeni na listu sa užim izborom bit će pozvani na intervju pred Komisijom za izbor.

Podnosilac prijave sa kojim se ne stupi u kontakt u roku od 20 dana od dana isteka roka za podnošenje prijava neće biti uzet u razmatranje u daljem procesu kandidiranja.

Sve informacije u toku postupka kandidovanja su transparentne osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", broj 32/01).

Kandidati koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju.

Bilo koji kandidat ili bilo koje drugo lice – član javnosti, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi i postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine.

Prigovor se podnosi istovremeno premijeru Vlade Kantona Sarajevo i Ombudsmenu Bosne i Hercegovine.

Prijave sa traženim dokumentima se dostavljaju lično ili poštom preporučeno na adresu:

Vlada Kantona Sarajevo, Ministarstvo privrede Kantona Sarajevo, ul. Reisa Džemaludina Čauševića 1, Sarajevo, uz naznaku: «Prijava za predsjednika i članove Upravnog odbora

Kantonalne agencije za privatizaciju Sarajevo – NE OTVARAJ». Na poledini koverta navesti ime i prezime podnosioca prijave, adresu i kontakt telefon.
Nepotpune i neblagovremene prijave neće se uzeti u razmatranje.